



Broj:27-05-26429/17

Sarajevo, 06.09.2017.godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), člana 4. Odluke o osnivanju skupština javnih preduzeća čiji je osnivač Kanton Sarajevo („Službene novine Kantona Sarajevo“, br. 25/09, 22/11, 1/13 i 21/14), člana 5. Odluke o standardima i kriterijima za imenovanje na poziciju predsjednika i članova skupština kantonalnih javnih komunalnih preduzeća ("Službene novine Kantona Sarajevo", broj:30/09, 21/10, 27/11, 7/13 i 29/15) Ministar komunalne privrede i infrastrukture Kantona Sarajevo raspisuje

**JAVNI OGLAS**  
**za izbor i imenovanje na poziciju predsjednika i članova Skupštine**  
**KJKP „Vodovod i kanalizacija“ d.o.o. Sarajevo**

**I. Predmet javnog oglasa**

Raspisuje se javni oglas za izbor i imenovanje predsjednika i 2 (dva) člana Skupštine KJKP „Vodovod i kanalizacija“ d.o.o. Sarajevo.

Izbor i imenovanje predsjednika i članova skupštine vrši se na način da iste na prijedlog Ministra komunalne privrede i infrastrukture Kantona Sarajevo, uz saglasnost Vlade Kantona Sarajevo, potvrđuje Skupština Kantona Sarajevo.

**II. Opis pozicije:**

**Skupština preduzeća je nadležna da:**

- 1.donosi statut i izmjene i dopune statuta,
- 2.donosi etički kodeks preduzeća,
- 3.odlučuje o povećanju i smanjenju osnovnog kapitala,
- 4.usvaja godišnji izvještaj preduzeća, koji uključuje finansijski izvještaj i izvještaje revizora, Nadzornog odbora i Odbora za reviziju,
- 5.odlučuje o rasporedu dobiti,
- 6.odlučuje o načinu pokrića gubitka,
- 7.odlučuje o spajanju s drugim društvima i pripajanju drugih društava preduzeću,



- 8.odlučuje o promjeni oblika i podjeli preduzeća,
- 9.odlučuje o prestanku preduzeća sa provođenjem likvidacije i o odobravanju početnog likvidacionog bilansa i završnog računa po okončanju postupka likvidacije,
- 10.odlučuje o kupovini, prodaji, razmjeni, uzimanju ili davanju u lizing, uzimanju ili davanju kredita i drugim transakcijama, direktno ili posredstvom supsidijarnih društava, u toku poslovne godine u obimu većem od trećine knjigovodstvene vrijednosti imovine preduzeća po bilansu stanja na kraju prethodne godine, kao i o takvoj transakciji u manjem obimu, za čije odobrenje je ovlašten Nadzorni odbor, ako on takvu predloženu transakciju nije odobrio jednoglasnom odlukom,
- 11.odlučuje o izboru i razrješenju članova Nadzornog odbora pojedinačno,
- 12.imenuje članove Odbora za reviziju, a na prijedlog Nadzornog odbora,
- 13.odlučuje o osnivanju, reorganizaciji i likvidaciji društava i odobravanju njihovih statuta,
- 14.odlučuje o naknadama članovima Nadzornog odbora i Odbora za reviziju,
- 15.donosi poslovnik o radu skupštine,
- 16.odobrava trogodišnji, godišnji i revidirani plan poslovanja,
- 17.odlučuje o ostvarivanju zahtjeva preduzeća prema članovima Uprave i Nadzornog odbora u vezi sa naknadom štete nastale pri osnivanju, kupovini ili vođenju poslovanja preduzeća,
- 18.odlučuje o izuzimanju stalnih sredstava,
- 19.podnosi izvještaj o radu i poslovanju preduzeća Skupštini Kantona Sarajevo, najmanje jedanput godišnje,
- 20.odlučuje o zastupanju preduzeća u sudskim postupcima koji se vode protiv članova Uprave društva ili eventualnim postupcima protiv članova drugih organa preduzeća,
- 21.imenuje lice ovlašteno za koordinaciju rada Skupštine sa organima preduzeća,
- 22.odlučuje o drugim pitanjima utvrđenim Zakonom i Statutom.

### III. Mandat

Predsjednik i članovi skupštine preduzeća imenuju se na period od dvije (2) godine.

Predsjednik i članovi skupštine preduzeća imaju pravo na naknadu za svoj rad, koja se utvrđuje posebnom odlukom Vlade Kantona Sarajevo.

### IV. Uslovi za pozicije

Svi kandidati moraju ispunjavati opće i posebne poslove.

#### Opći uslovi:

- a) da je državljanin Bosne i Hercegovine (dokaz:uvjerenje o državljanstvu),
- b) da je stariji od 18 godina (dokaz: izvod iz matične knjige rođenih),
- c) da nije osuđivan za krivično djelo, pet godina od pravosnažnosti presude, isključujući vrijeme zatvorske kazne (dokaz: izjava potpisana i ovjerena od nadležnog općinskog organa),
- d) da se protiv njega ne vodi krivični postupak (dokaz: izjava potpisana i ovjerena od nadležnog općinskog organa),
- e) da nije osuđivan za privredni prestup nespojiv sa dužnošću Skupštine, pet godina od pravosnažnosti presude, isključujući vrijeme zatvorske kazne (dokaz: izjava potpisana i ovjerena od nadležnog općinskog organa)
- f) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije (dokaz:izjava potpisana i ovjerena od nadležnog općinskog organa),



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086, Fax:+ 387 (0) 33 562-177  
Sarajevo, Reisa Džemaludina Čauševića 1



- g) da se na tog kandidata ne odnosi član IX. 1. Ustava Bosne i Hercegovine (dokaz: izjava potpisana i ovjerena od nadležnog općinskog organa),
- h) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti Federacije Bosne i Hercegovine ("Službene novine Federacije BiH", broj : 70/08) (dokaz: izjava potpisana i ovjerena od nadležnog općinskog organa),
- i) da nije stariji od 65 godina na dan imenovanja.

#### **Posebni uslovi:**

- a) da ima visoku stručnu spremu VII stepena, odnosno visoko obrazovanje prvog ili drugog ili trećeg ciklusa Bolonjskog sistema studiranja (dokaz: univerzitetska diploma ili uvjerenje o diplomiranju),
- b) da ima najmanje 3 (tri) godine radnog staža u struci (dokaz: potvrda ili uvjerenje),
- c) da posjeduje znanja i sposobnosti razumijevanja poslovnih izvještaja i poznavanje propisa koji se primjenjuju na rad i poslovanje kantonalnih javnih komunalnih preduzeća,
- d) da posjeduje sposobnost za savjesno, odlučno i odgovorno obavljanje povjerene funkcije,
- e) da posjeduje sposobnost nepristrasnog donošenja odluka,
- f) da je naklonjen timskom radu,
- g) da ima pozitivne rezultate rada ostvarene tokom karijere (dokaz: potvrda ili uvjerenje ili preporuka poslodavca),
- h) da nema privatni finansijski interes u preduzeću (dokaz: izjava potpisana i ovjerena od nadležnog općinskog organa),
- i) da nije direktor ili član uprave ili nadzornog odbora u preduzeću u koje se kandiduje (dokaz: izjava potpisana i ovjerena od nadležnog općinskog organa).

Prilikom izbora uzeće se u obzir priznanja i rezultati, koje je kandidat do sada stekao, te će se voditi računa o spolnoj i nacionalnoj strukturi izabranih kandidata.

#### **V. Potrebni dokumenti**

Kandidati su dužni uz prijavu, koja sadrži kraću biografiju, adresu i kontakt telefon, priložiti originalne dokumente ili ovjerene kopije dokumenata ne starije od šest mjeseci, koji su dokaz o ispunjavanju opštih i posebnih uslova traženih oglasom, **u roku od 15 dana od dana posljednjeg objavljivanja.**

Oglas će biti objavljen u „Službenim novinama Federacije BiH”, dnevnom listu „Oslobođenje” i web stranici Ministarstva komunalne privrede i infrastrukture Kantona Sarajevo web: <http://mki.ks.gov.ba>

**Za kandidate sa liste užeg izbora najboljih kandidata koji ispunjavaju kriterije za imenovanje, Ministarstvo komunalne privrede i infrastrukture Kantona Sarajevo će uvjerenje da kandidat nije osuđivan za krivično djelo, pet godina od pravosnažnosti presude, isključujući vrijeme zatvorske kazne, uvjerenje da se protiv njega ne vodi krivični postupak i uvjerenje da nije osuđivan za privredni prestup nespojiv sa dužnošću Skupštine, pet godina od pravosnažnosti presude, isključujući vrijeme zatvorske kazne, pribaviti službenim putem. Izuzetno, kandidati za koje nije moguće po službenoj dužnosti pribaviti navedena uvjerenja će biti posebno kontaktirani u cilju pribavljanja istih.**

#### **VI. Ostale napomene**

Svi kandidati koji budu stavljani na listu sa užim izborom biće pozvani na intervju pred Komisijom za izbor koji imenuje Vlada Kantona Sarajevo, na prijedlog Ministra komunalne privrede i infrastrukture Kantona Sarajevo. Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086, Fax: + 387 (0) 33 562-177  
Sarajevo, Reisa Džemaludina Čauševića 1



koje bi moglo dovesti do sukoba interesa u slučaju da dođe do njegovog imenovanja. Obrasci se mogu popuniti neposredno prilikom intervjua.

Sve informacije u toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka BiH („Službeni glasnik BiH”, broj: 49/06, 76/11 i 89/11).

Kandidati koje nakon intervjua preporučí Komisija za izbor smatraće se da su najuspješnije prošli otvorenu konkurenciju.

U slučaju kada postoje dokazi da principi utvrđeni u članu 3. Zakona o ministarskim, vladinim i drugim imenovanjima Federacije Bosne i Hercegovine ili postupci nisu ispoštovani, zainteresirana stranka može podnijeti prigovor na konačno imenovanje.

Prigovor se podnosi istovremeno Ministru komunalne privrede i infrastrukture Kantona Sarajevo, a kopija se dostavlja Ombudsmenu za ljudska prava Bosne i Hercegovine.

Prijave na oglas sa svim traženim dokumentima se dostavljaju lično ili poštom preporučeno na adresu: Ministarstvo komunalne privrede i infrastrukture Kantona Sarajevo – Komisija za izbor, Sarajevo, ulica Reisa Džemaludina Čauševića broj 1, prizemlje (pisarnica), **sa naznakom na koverti: „Prijava za predsjednika ili člana Skupštine KJKP „Vodovod i kanalizacija“ d.o.o. Sarajevo-NE OTVARAJ“**. Na poleđini koverta navesti ime i prezime podnosioca prijave, adresu i kontakt-telefon.

**Nepotpune i neblagovremene prijave neće se razmatrati.**

**MINISTAR**

**Senad Hasanspahić**



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086, Fax: + 387 (0) 33 562-177  
Sarajevo, Reisa Džemaludina Čauševića 1

